

AGUSTÍN FERNÁNDEZ PAZ

Premio Nacional de Literatura Infantil e Xuvenil

“Faríanme falta varias vidas para relatar as historias que quero”

Fernández Paz, a quen hoxe homenaxeou a Asociación de Escritores en Lingua Galega, retrata a dor dunha nena senegalesa inmigrada en Vigo na súa última obra, ‘Lúa de Senegal’

Mar Mato

A CORUÑA


Tras o éxito de *O único que queda é o amor*, Premio Nacional de Literatura Infantil y Juvenil 2008, Agustín Fernández Paz retornou á súa liturxia de papeis amarelos para escribir. Desta vez, unha nena de dez anos vida de Senegal a Vigo e de nome Khoedi plantexa a dor do desarraigado dos inmigrantes en Galicia, o espazo que ela e outros personaxes califican como *o país das ausencias*. A escasas horas de ser homenaxeado como O escritor na súa terra pola Asociación de Escritores en Lingua Galega, Fernández Paz profundiza sobre a súa última obra, *Lúa de Senegal* (editado por Xerais e que conta con belísimas ilustracións de Marina Seoane).

—*Lúa do Senegal*, un título ao que se fai referencia case en cada páxina do libro e mesmo no ritmo de narración.

— É un título que me veu pronto á cabeza cando me metín na historia. Á protagonista, cando chega a Vigo, todo lle parece distinto. O único que reconoce como igual é a lúa que brilla pola noite; ese é o *leitmotiv* que marca paso de tempo. A lúa serve de conexión coa realidade que deixou e a que se atopou. Ademais, a lúa marca tamén o ritmo da narración ao seguir as súas fases tomadas de tres meses do ano pasado.

— Onde comezou a tirar do fio para esta obra?

— Os libros case nunca xorden dun único fio. Recordo do meu ca-



Agustín Fernández Paz, coa súa última obra. / CARMEN GIMÉNEZ

dérno de notas a primeira imaxe que anotei sobre un emigrante, non sei de que nacionalidade, de pel negra, traballando no andamio dunha obra. Chamoume a atención. Había tempo que quería abordar o tema da inmigración e apetecíame contalo

en forma de historia. Todo acabou plasmándose neste libro.

— Á parte dese obreiro, houbo outros africanos que lle serviron de luz para a narración?

— Non chegou a coñecer a ningún porque, en realidade, a docu-

mentación que conseguín foi amplísima a partir de libros e recortes de prensa que me foron suficientes. Eu o que quería contar realmente era o tema da emigración e escollín Senegal porque parecía atractivo. Tamén falei cunha profesora que estivo cunha ONG na zona e que me deixou ver centos de fotos.

— Conseguir o Premio Nacional de Literatura Infantil supón un listón alto que acaba pesando á hora de crear...

— Non. A novela é unha carreira na que sempre che pesan as carreiras que fixeches antes. Escribir un libro é un novo reto, non inflúen os libros anteriores nin sentes ese peso... Si sentes unha seguridade que é relativa. Esta novela acabou quedando do meu gusto, pero deume quebaradeiros de cabeza.

— O medo ao folio en branco, existe para vostede?

— No meu caso, faríanme falta varias vidas para contar as historias que quero contar. O gran traballo é que as cousas nunca saen á primeira. Chegar á escritura que eu fago, na que busco que o lector se meta nela con sinxeleza, esixe moitos borradores. O medo é cando na primeira redacción ves cousas que están moi verdes e tes que traballañas unha e outra vez, o que finalmente leva meses.

— Que opina de fenómenos literarios como *Millennium*?

— Sucedé a veces; sabes que non sempre é paralelo ás virtudes do libro, pero no caso das obras de Stieg Larsson, paréceme estupendo.